

# Nunanut allanut Allakkanut

POST Greenlandip Niuernermi piimasaqaatai 1. januar 2013-imeersut

Niuernermi piimasaqaatit uku Nunanut allanut Allakkanik nassiussinernut atuupput. Niuernermi piimasaqaatinut tapiliussatut Allakkerineq pillugu Inatsisartut inatsisaanni nr. 3, 15. april 2011-meersumi malittarisassat kiisalu POST Greenlandip allakkanik ingerlassisarnermi pisussaaffii kisermaassisussaataanerulu il.il. pillugit Namminersorlutik Oqartussat nalunaarutaat nr. 9, 24. juni 2011-meersooq aamma taaq atuupput.

Nunanut allanut Allakkat tassaapput allakkat nunani allani tiguisussanut, aamma Savalimmiuni Danmarkimilu tiguisussanut nassiunneqartussanngorlugit POST Greenlandimut tunniunneqartut.

## 1. ALLAKKAT (A Prioritaire-t)

### 1.1 Ingerlanneqarnerisa siviussusaat

Allakkat (A Prioritaire) ingerlanneqarnerisa siviussusaannut nuna nassiunneqarfiat apeqqutaavoq. Nunanut tiguisussanut ingerlanneqarnerisa siviussusaat pillugit allakkeriviit annertunerusumik paasisuttissisinaapput.

### 1.2 Angissutsit

Allakkat tamarmik angissutsit taaneqartut qaangersimassanngilaat:

**Minnerpaaffissaq:** 14 x 9 cm. Allagaq imusatut amilimasutulluunniit isikkoqaruni: takissuseq 10 cm aamma takissuseq + 2 x diameter/portussuseq = 17 cm.

**Annerpaaffissaq:** takissuseq 60 cm aamma takissuseq + silissuseq + portussuseq = 90 cm. Allagaq imusatut amilimasutulluunniit isikkoqaruni: takissuseq 90 cm aamma takissuseq + 2 x diameter/ portussuseq = 104 cm.

### 1.3 Oqimaassuseq

Allakkat poortuutini ilanngullugu oqimaannerpaaffissaraa 2 kg.

### 1.4 Imai

Allakkat imaa akitsuusigassaanersoq kiisalu nunami tiguisussami malittarisassat malillugit allakkat imai nunamut nassitsivigisamut eqqunneqarsinnaasuumersut, taamaappallu malitassat suut tunngavigalugit tamatumu pisinnaanera misissussallugu nassiussisup akisussaaffigaa. POST Greenland pissutsit tamakku misissorneq ajorpai aammalu tamakku pillugit siunnersuisinnaanani, taarsiulluguli nassiussisumut innersuussutigisarlugu nunap nassitsiviusussap oqartussaasui, soorlu aallartitaqarfeqarfii konsulateqarfiilluunniit saaffigeqqullugit.

### Allagaq makkuninnga imaqaqqusaanngilaq:

- Aningaasat, checkit angalanermi atugassat, allagartaatit, saffiugassat erlinnartut, soorlu platin, guulti aamma sølvi, ujaqqat erlinnartut kiisalu pigisat akisuut. Allakkat imaat tamakku taamaattoq killillikkamik nalilerlugit Allakkatut tammasaalisatut imaluunniit Allakkatut nalilittut nassiunneqarsinnaapput. Allagartaatit paasineqassapput akiitsut allagartaat, aktiat, checkit crossigaanngitsut, akiitsukanut uppernarsaatit, nalilinnut uppernarsaatit aammalu allagartaatit allat aningaasanik nalilinnut uppernarsaataasut aammalu allagartaammik tigumminnittup kinaanerani uppernarsaasuusunik allagartaammik tunniussinissamut, allagartaat naapertorlugi aningaasanik akilerneqarnissamut, pigisat nuunneqarsinnaasut tigunissaannik piimasaqarnermut imaluunniit allagartaat naapertorlugi kiffartuussinermik sullinneqarnissamik piimasaqarnermut.
- Imarisat ulorianaatillit. Imarisat ulorianaatillit tassaapput akuutissat atortussalluunniit, ilutsimikkut akumikkulluunniit inunnut, uumasunut, avatangiisinit (assersuutigalugu nioqqutissiornermi maskinanut aamma nassiussanut allanut) imaluunniit angallassissutigisanut ulorianaateqarsinnaasut. „Nassiussat ulorianaatillit, POST Greenland aqqutigalugu nassiuteqqusaanngitsut“ [www.post.gl](http://www.post.gl) -imi takuneqarsinnaapput aammalu allakkerivimmit ilisima-titsissutigineqartarlutik.
- Nunap immallu uumasui uumasut, tassani pineqarlutik igutsaat, sullerngit sullineqatiminnik ajoqutaasunik akiuisussat (rovvider), uumasullu allat qimerloqanngitsut.

- Aallaasit
- Imassat, qaartartut assigisaallu ilanngullugit.
- Nioqqutissat peqquserlulluni assilisat salloqittaasiillu.
- Inuit timaasa uumasullu toqungasut sinnikui.

### 1.5 Poortorneri

Allakkat nalinginnaasumik allakkerinikkut suliarineqarnerani, soorlu maskinamik immikkoortiterinermi, imaasa aseroneqarsinnaajunnaarlugit poortorneqarsima nissaat kiisalu allakkat nassiussanik allanik, POST Greenlandimik allanilluunniit ajoqusiinnaanerata pinngitsoortinnissaa nassiussisup akisussaaffigaa. Postkortit kisimik pooqartinnagit nassiunneqarsinnaapput. Imarisat qajannartut imaluunniit imerpalasut poortuutissat POST Greenlandip akuerisai poortuutigalugit taamaallaat nassiunneqarsinnaapput.

### 1.6 Nalunaaqutsiineq

Allakkat (A Prioritaire) saqqaani „Prioritaire“ nalunaaqutsiunneqassaaq imaluunniit meqqilerneqassalluni „A Prioritaire“mik.

### 1.7 Allakkerivimmut tunniussineq

Nassiussisup allagaq nassiussanngorlugi ukununga tunniussinnaavaa:

1. Allakkerivimmut
2. POST Greenlandimut nivinngaaterneqarsimasunut allakkanut nakkartitsivinnut

### 1.8 Piimasaqarsinnaatitaaffik

Allakkanik nunanut nassitsiviusunut arlalinnut nassiussinermi allakkami allasimasumut tunniunneqarfissaminut allakkat tiguneqarnissaata tungaanut, nassiussisoq allakkat utertinnissaanik imaluunniit tiguisussamut allamut tunniunneqarnissaanik piimasaqarsinnaatitaavoq. POST Greenland allakkat utertinneqartup nassiunneqarnermini akianik utertitsineq ajorpoq. Nassiussisup piimasaqarsinnaatitaaffik atorsimappagu, POST Greenland suliasap allanngorteqquneqarneranut suliakkersuummut akiliuteqartitsisinaatitaavoq. Akiliuteqartitsineq siusinnerpaamik akileqquneqassaaq, nassiussaq allakkerivimmit nassitsivigisamut ingerlatinneqareersimappat. Nunami tiguisiffiusumi allakkerisoqarfik, pisut ilaanni allakkat allamut ingerlateqqinneqarnerani tapiliussamik akiliitsisinaasarpog.

### 1.9 Tiguisussamut tunniussineq

Nunami tiguneqarfissaani allakkamik tiguisussamut tunniussinermut malittarisassat atuuttut malinneqassapput.

### 1.10 Allakkat apuunneqarsinnaanngitsut

Allakkat apuunneqarsinnaanngitsut nunami tiguneqarfissaanni malittarisassat atuuttut malillugit suliarineqartarput. Nassiussat apuunneqarsinnaanngitsut tassaasinaapput assersuutigalugu makku pissutaallutik: Tigujumaneqanngilaq, najukkami tiguisussaq ilisarimanenqanngilaq, najugaq allanneqarsimasooq amigarpoq assigisaallu.

### 1.11 Allakkerinermi isertuussisussaaneq allakkanillu ammaaneq

Nassiussisup allakkerivimmit atuineri sumulluunniit tunngasut POST Greenlandip isertuussassarai. Pisuni immikkorluinnaq ittuni, Kalaallit Nunaanni Ilanngaa-serinermut oqartussaasunut kiisalu Kalaallit Nunaanni Politeeqarnermut oqartussaasunut tunngassuteqaraangata, POST Greenland taamaattoq paasisuttisaniik taakkununga tunniussisussanngortinneqarsinnaavoq. Nassiussanut apuunneqarsinnaanngitsunut tunngatillugu pisuni immikkut illuinnartuni, Namminersorlutik Oqartussat POST Greenland pillugu nalunaarutaanni nr. 9, 24. juni 2011-meersumi allasimasunut ilaasut tunngavigalugit, POST Greenland allakkamik ammaasinnatitaavoq.

## 1.12 Frimærkilersuineq

Allagaq frimærkinik, frankeringsmaskinamik naqitsimmik, akiusumik akilereersimasutut naqitsimmik (PP) frimærkilerneqassaaq imaluunniit tigusisussap akiligassaatut nassiunneqassalluni (ufs). „PPmik naqitsit“ allakkerivimmi pineqarsinnaavoq. Malittarisassat POST Greenlandip aalajangersagai malillugit PP-mik naqitaq nassiusamut nipitinneqassaaq.

Naqitsit PP atorneqarsinnaavoq piumasaqaatit makku malinneqarpata:

- Nassiussassat allakkerivimmuq tunniunneqarsimassapput
- Nassiussassat ikinnerpaamik 50-it assigiit tunniunneqarsimassapput (aki, angisuseq oqimaassuserlu assigiussallutik)
- Misiliutaasusaaq ataaseq POST Greenlandimut tunniunneqarsimassaaq
- Nassiussassat tunniunneqartut nassiussisumit ataatsimit pisuussapput
- Nassiussassami nassiussisup aqqa najugaalu ersissapput.

POST Greenland suliffeqarfiit inuussutissarsiummik ingerlatallit frankeringsmaskinamik atueqqullugit piumaffigisinnaavai. Maskinamik taamaattumik pisaartoqassappat aningaasartuutit taamaalluni POST Greenlandip akilissavai.

## 1.13 Akit

Akit qaqugukkulluunniit atuuttut allattorsimaffiat **www.post.gl** -imi aammalu allakkerivinni takuneqarsinnaapput, tassanilu aamma akit atuuttut tamaasa pillugit paasisutissiisoqartarpoq.

Akinik allannngortoqartillugu nunatsinni tusagassiutit aqutqigalugit tamanna pillugu ilisimatitsisoqassaaq. Allakkat frimærkilerneqanngitsut imaluunniit amigartumik frimærkilerneqarsimasut nassiussisup angallasseqqusineratut ingerlanneqassapput. POST Greenland kifartuussinermut taamaattumut, frimærkiliinermut amigartumut kiisalu allaffissornermut akiliummik nassiussisup akiligassaanik nassissinnaavaa. Akitsuutit angisusaa akit allattorsimaffianni allakkerivinniittuni takuneqarsinnaavoq. Nassiussisup kinaanera POST Greenlandip ilisimangippagu, frimærkilernerani amigaataasumut nunamilu tigunearqfigisassaani allakkerinermik suliaqartumut akit-suut tigusisussamut akileqquneqassapput.

## 1.14 Akiliineq

Nassiussineq aningaasanngorlugu akilerneqassaaq nassiussisup akiligassarsinissamik allaganngorlugu POST Greenlandimik isumaqatigiissuteqarsimanngippat.

## 1.15 Taarsiissuteqartarneq

POST Greenland allakkap kinguaattoorneranut, tammarnaneranut imaluunniit ajoquserneqarsimananeranut taarsiissuteqarneq ajorpoq.

POST Greenlandip taarsiissuteqartussaaneranut Namminersorlutik Oqartus-sat nalunaaruutaani nr. 9, 24. juni 2011-meersumi malittarisassat aamma atuupput. Niuernerimi piumasaqaatini ukunani allakkat imaannut poortorneqarsimanissaanullu piumasaqaataasunik malinninnginnerup kingunerisaanik POST Greenlandip annaasaqaatigisaanut tunngatillugu, tassalu imm. 1.4mi aamma 1.5imi piumasaqaatinut kiisalu Allakkanut Tammatsaalisanut tunngatillugu imm. 3.1imi piumasaqaatinut aammalu Allakkanut Nalilinnut imm. 4.1imi, 4.2mi, 4.3mi aamma 4.4mi piumasaqaatinut tunngatillugu, nassitsisup pisussaavoq POST Greenland tamanik annaasaqatsaalissallugu. Tamakku saniatigut Kalaallit Nunaanni eqqartuussiveqarnerup malittarisassai nalinginnaasut malillugit nassiussisup taarsiissusaatitaavoq.

## 1.16 Maalaarutit

Nassiussisup tigusisussalluunniit POST Greenland allakkamik ingerlassinera pillugu maalaarutiginiaruniuk, maalaarutini najukkami allakkerivimmuq tunniussimassavaa nassiussap POST Greenlandimut tunniunneraniit qaammatit 12-it qaangiutinnagit. Allakkeriviup aalajangernera POST Greenland, Qullersaqarfik, Postboks 9999, 3900 Nuummumt ingerlatinneqassaaq aalajangiiffigisassatut. POST Greenlandip Qullersaqarfiata aalajangernera Naalakkersuisunut maalaarutigineqarsinnaavoq. Inatsisartut inatsisaanni nr. 3, 15. april 2011-meersumi § 22a, imm. 3 naapertorlugu aalajangiinerup maalaarutigineqartup tignerata kingorna sap. ak. sisamat qaangiutinnagit maalaarutiginnittoqarsinnaavoq.

## 2. ØKONOMIBREVE-T (B Economique, umiarsuakkoortut)

Økonomibreve-t (B Economique-t) Allakkanut (A Prioritaire-nut) tunngatillugu niuernerimi piumasaqaatinut ilaapput, takuuk imm. 1, makkuninngali allaassuteqarlutik:

## 2.1 Ingerlanneqarnerisa siviussusaat

Økonomibreve-t (B Economique-t) ingerlanneqarnerata qanoq siviustigineranut allakkap nunamut sorlermut nassiunneqarnera apeqqutaavoq, kisianniil Allakkanut (A Prioritaire-nut) sanilliullugu siviuneruvoq. Nunanut tigusisussanut ingerlanneqarnerisa siviussusaat pillugit allakkeriviit annertunerumik paasisutissiisinaapput.

## 2.2 Nalunaaqutsiineq

Økonomibreve-t (B Economique-t) saqqaani ilisarnaaserneqassaaq „B“mik imaluunniit meqqilerneqassalluni „B Economique“-mik.

## 2.3 Allakkerivimmuq tunniussineq

Økonomibreve-t (B Economique-t) allakkerivimmuq tunniunneqassapput imaluunniit allakkanut nakkartitsivimmuq ikineqassallutik.

## 2.4 Akia

Økonomibreve-nut (B Economique-nut) akit qaqugukkulluunniit atuuttut allattorsimaffiat **www.post.gl** -imi aammalu allakkerivinni takuneqarsinnaapput, tassanilu aamma akit atuuttut tamaasa pillugit paasisutissiisoqartarpoq.

## 3. TAMMATSAAALIINEQ

Allakkat (A Prioritaire-t) aamma Økonomibreve-t (B Economique-t), tammatsaalisanngorlugit nassiunneqartut, Allakkanut (A Prioritaire-nut) aamma Økonomibreve-nut (B Economique-nut) niuernerimi piumasaqaatinut ilaapput, takuuk imm. 1 aamma 2, makkuninngali allaassuteqarlutik:

## 3.1 Imai

Allagaq Tammatsaalisap aningaasanik aamma/imaluunniit allagartaatinik allakkami ataatsimi annerpaamik kr. 500-nik nalilinnik imaqarsinnaatitaavoq. Nunat allakkamik tigusiffiusussat ilaasa Allakkat Tammatsaalisat aningaasanik, check-inik angalanermi atugassanik, allagartaatinik, saffugassanik erlinnartunik, soorlu platininik, guultimik aamma sølvimik, ujaqqanik erlinnartunik kiisalu pigisanik akisuunik imaqarnissaat ajornartittarpaat. Nunat tigusiffiusussat sorliit pineqarnerisut allakkerivimmi paasineqarsinnaapput. Nassiussisup misissugassaraa allakkap imai tammatsaalisatut nassiunneqarsinnaanersut. Allagartaatit nalingat naatsorsorneqartarpoq allagartaatit nalinga allassimasuq tunngavigalugu. Allagartaammi aningaasat nalinganik allassimasuqanngippat imaluunniit allagartaammi allassimasup aningaasat nalgisarpiat assiginngippagu, aningaasat allagartaammi allassimasut allanneqassapput. POST Greenlandip aningaasanngorlugu nalingata nassitsisumit uppersarsar-neqarnissaa piumasarisinnaavaa.

## 3.2 Nalunaaqutsiineq

Allakkap Tammatsaalisap saqqaq nalunaaqutserneqassaaq/meqqilerneqassaaq „Recommandé“-mik, aammalu Savalimmiunut Danmarkimulluunniit nassiussaappat „Rekommanderet“-mik.

## 3.3 Allakkerivimmuq tunniussineq

Allagaq Tammatsaalisap allakkerivimmuq tunniunneqassaaq. Tunniussinermi nassiussisup immersorsinnaavaa tunniussinermut uppersarsaat, tassani nassiussisup allassinnaallugu nassiussisup tigusisussallu najugaa. Immersugassiap immersorneqarsimasup tigusineranut POST Greenland atsiussaaq.

## 3.4 Taarsiissuteqarneq

POST Greenland Allakkap Tammatsaalisap kinguaattoorneranut taarsiissuteqarneq ajorpoq. Allagaq Tammatsaalisap tammarsimappat, annaasap nalinga apeqqu-taatinagu POST Greenland nassiussisumut kr. 500-nik taarsiisarpoq. Allagaq Tammatsaalisap innarlerneqarsimappat imarisaluunniit tamakkiisumik ilaannakortumilluunniit annaaneqarsimappat, tamanna kr. 500-it angullugit taarserneqartarpoq. POST Greenlandili taarsiissusaaneq ajorpoq tammarnera innarlerneraluunniit nassitsisup kukkunerippagu naammassissannilluunniit naammassinngitsuuiffigisimappagu, nassiussap qanoq issusia, amigartumik imaluunniit amigaatillimmik poortorneqarsimappat imaluunniit pissutsit POST Greenlandip ingalassinnaangisai atuuppata kingunerilu POST Greenlandip pinngitsoortissinnaanagit. Iluaqutissanut annaasanut, ujariatsinermut, nalikillinerani annaasanut imaluunniit innarlerneqar-neqarnerata toqqaannangikkaluartumik kingunerisaanut allanut taarsiisoqarneq

ajorpoq. Taarsiisoqarnissaanik piumasaqarneq nassiussisumit POST Greenlandimut nalunaarutigineqartussaavoq Allakkap Tammatsaalisap POST Greenlandimut tunniunneqarneranit qaammatit 12-it qaangiutsinnagit, taakkulu qaangerneqarsimappata taarseeqqusissut atorunnaartarpoq.

#### 4. ALLAKKAT NALILLIT

Allakkat (A Prioritaire-t) nunanut tigussiffiusussanut amerlanerpaanut Nalilittut nassiunneqarsinnaapput. Nunat sorliit Allakkanik Nalilinnik nassissiffiusinnaanersut allakkerivimmi paasineqarsinnaapput. Allakkat Nalillit Allakkanut (A Prioritaire-nut) niuernermit piumasaqaatini imm. 1 naapertorlugu ilaapput, taamaattorli makkuninnga allaassuteqarlutik:

##### 4.1 Imai

Nunat tigussiffiusussat ataasiakkaat Allakkamik Nalilinnik nassinneqartussat allakkap nalinganik annerpaaffiliussaqarput. Nunat tigussiffiusussat ilaannut aamma Allakkatut Nalilittut nassiussat imaannut killilersuisoqarpoq, tassa Allakkanut Nalilinnut nassiteqqusaanatik aningaasat kiisalu guulti sölvilu aningaasaliarineqanngitsoq. Tamakku pillugit paasissutissanik annertunerusunik allakkerivinni paasisaqartoqarsinnaavoq, kisianni nassitsisup misissugassaraa aningaasat allanneqartut aammalu Allakkap Nalillip imai Allakkatut Nalilittut nassiunneqartut nunamut nassissiffiginiakkamut nassiunneqarsinnaanersut. Allagaq Nalilik aningaasanik aamma/imaluunniit allagartaatinik imaqarsimaguni, imaasa nalingisa allakkami ataatsimi kr. 25.000-it qaangersimassanngilluinnarpaat. Allagartaatit nalingat naatsorsorneqartarpoq allagartaatit nalinga allassimasooq tunngavigalugu. Allagartaammi aningaasat nalinganik allassimasooqanngippat imaluunniit allagartaammi allassimasup aningaasat naligisarpiat assingngippagu, aningaasat allagartaammi allassimasut allanneqassapput. POST Greenlandip aningaasanngorlugu nalingata nassitsisumit uppersarsarneqarnissaa piumasarisinnaavaa.

##### 4.2 Nalunaaqutsiineq

Allakkap Nalillip saqqaani uppersarsaasiunneqassaaq „Værdi/Valeur declareé“, imaatalu nalinga koruuninngorlugu imaluunniit SDR-itut aammalu naqinnerit atorlugit allanneqassalluni. Nalingata allanneqartup Allakkap Nalillip nalinga sinnersimassanngilaa, ajornanngilarli imaata nalingata ilaannaata allanneqarsinnaanera. Allakkanut Nalilinnut aningaasanik aamma/imaluunniit allagartaatinik imalinnut tunngatillugu nalinga allanneqarsimasooq imaanut tamatigut naapertuutissaaq.

##### 4.3 Frimærkilersuineq

Allakkat Nalillit frimærkilerneqartussaapput imaluunniit frankeringsmaskinamik naqitsimmik naqinneqarsimassallutik. Frimærkit allakkap saqqaani minnerpaamik centimeterip affaanik akuttussuseqarlutik allakkallu puuata sinaaniit minnerpaamik centimeterip affaanik ilorpasinnerullutik nipitinneqassapput. Frankeringsmaskinamik naqitaq allakkap puuanut naqinneqarsimassaaq.

##### 4.4 Poortorneri

Allakkap Nalillip poortornera ima qajannaatsigissaaq imatullu suliarineqarsimasalluni susassaqqanngitsunit ammarnarneqarsimanera takunngitsoorneqarsinnaasanani. Allakkat Nalillit naqissuserneqarsimassapput lak-iusumik nipitittakamilluunniit. Allakkap Nalillip puuata sinai qalipaasigaassanngillat imaluunniit allagartaliigaassanani nipitittakkamik il.il., taamaallaat frimærkinik allakkerinermilu allagartaliussanik nipititsiffigineqarsimassalluni. Allakkanik Nalilinnik nassiussinermi aningaasat pineqartillugit poortorneqarsimanissaat malittarisassaqarpoq immikkut ittunik. Tamanna pillugu paasissutissat annertunerusut allakkerivimmi pineqarsinnaapput.

##### 4.5 Allakkerivimmut tunniussineq

Allagaq Nalilik allakkerivimmut tunniunneqassaaq. Tunniussinermi nassiussisup immersorsinnaavaa nassiussinermut uppersarsaat, tassani nassiussisup allassinnaallugu nassiussisup tigussisussallu najugaa. Immersugassiap immersorneqarsimasup tigussimanera POST Greenlandip uppersarsaasissavaa atsiornikkut.

##### 4.6 Taarsiissuteqarneq

POST Greenland Allakkap Nalillip kinguaattoorneranut taarsiissuteqarneq ajorpoq. Allagaq Nalilik innarlerneqarsimappat tammarsimappalluunniit POST Greenland taarsiussaaavoq, taamaattorli annerpaamik angissuseqassalluni Allakkap Nalillip

nalingata allassimasup nalingatut. POST Greenlandili taarsiussaaaneq ajorpoq tammarnera ajoquserneraluunniit nassitsisup kukkunerippagu naammassissanilluunniit naammassinnigtsuuffigisimappagu, nassiussap qanoq issusia, amigartumik imaluunniit amigaatilimmik poortorneqarsimappat imaluunniit pissutsit POST Greenlandip ingalassinnaangisai atuuppata kingunerilu POST Greenlandip pinngitsoortissinnaanagit. Iluaqtissanut annaasanut, ujariatsinermut, nalikillinerani annaasanut imaluunniit innarlerneqarneqarnerata toqqaannanngikkaluartumik kingunerisaanut allanut taarsiisoqarneq ajorpoq. Taarsiisoqarnissaanik piumasaqarneq nassiussisumit POST Greenlandimut nalunaarutigineqartussaavoq Allakkap Nalillip POST Greenlandimut tunniunneqarneranit qaammatit 12-it qaangiutsinnagit, taakkulu qaangerneqarsimappata taarseeqqusissut atorunnaartarpoq.

#### 5. TAPPIITSUNUT NASSIUSSAT

Allakkat tappiitsut attaveqatigiinnissamut atugassaannaanik imallit, Tappiitsunut nassiussatut ingerlatinneqarsinnaapput. Tappiitsunut nassiussat niuernermit piumasaqaatini nassiussinerit toqqarneqartut atorlugit ilaatinneqarput, taamaattorli makkuninnga allaassuteqarlutik:

##### 5.1 Oqimaassuseq

Tappiitsumut nassiussaq annerpaamik 7 kilonik oqimaassuseqassaaq.

##### 5.2 Akia

Tappiitsunut nassiussat allakkanut qaatuiguorneqarsimasunut piumasaqaatit iluanni angissusissanik naammassinnissimappata akeqanngitsumik Økonomibrevitut (B Economique-tut) aamma pisut iluanni Allakkatut (A Prioritaire-tut) nassiunneqartarput. Akinut qaqugukkulluunniit atuuttunut allattorsimaffiit allakkerivinni takuneqarsinnaapput, allakkerivinnilu akit atuuttut tamaasa pillugit aamma paasissutissiisoqartarpoq. Akeqanngitsumik nassiussineq peqatigiiffinnut, suliniqatigiiffinnut assigisaannullu ateqartinneqartunut taamaallaat atuuppoq kiisalu atuulluni kassetebånd-inut **a)** tappiitsut akornanni taarseeqatigiissutaasunut, imaluunniit **b)** tappiitsumiit isigisumut inuttut attaveqatigiinnertut atorneqartunut. Akeqanngitsumik nassiussineq aammattaq atuuppoq allata qattusuunngorlugit imaluunniit toorerit atorlugit allatanut, kiisalu allakkanut naqitassianullu tappiitsunut atugassianut. Malitassat pillugit allakkerivik paasissutissiinerusinnaavoq.

##### 5.3 Nalunaaqutsiineq

Tappiitsunut nassiussat ilisarnaaserneqartussaapput nipititassamik immikkut ittunik allakkerivimmi pineqarsinnaasumik.